

Канон святой мученице Татиане

Память празднуем 12 (25) января

Тропарь, глас 4

Агница Твоя, Иису́се, Тати́ана зоветъ ве́лиим гласом: Тебе́, Женише́ мой, люблю́, и Тебе́ и́щущи страда́льчествую, и сраспина́юся, и спогребáюся креще́нию Твоему́, и стражду́ Тебе́ ра́ди, я́ко да Ца́рствую в Тебе́, и умираю́ за Тя, да и живу́ с Тобо́ю. Но я́ко же́ртву непоро́чну приими́ мя с любви́ю пожéршуюся Тебе́. То́я моли́твами, я́ко ми́лостив, спаси́ ду́ши на́ша. (*Дважды.*)

Слава, и ныне, *Богородичен*: Еже от ве́ка утае́нное и Ангелом несве́домое таи́нство, Тобо́ю, Богоро́дице, су́щим на землѣ яви́ся Бог, в неслитном соедине́нии воплоща́емъ, и Крест во́лею нас ра́ди воспри́им, и́мже воскреси́в первозда́нного, спасе́ от сме́рти ду́ши на́ша.

Канон, глас 2

Песнь 1

Ирмос: Гряди́те, лю́дие, по́им песнь Христу́ Бо́гу, разде́льшему мо́ре и наста́вльшему лю́ди, я́же изведе́ из рабо́ты египетския, я́ко просла́вился.

Припев: Свята́я мученице Тати́ано, мо́ли Бо́га о нас¹. (*Поклон.*)

Мученическими озаре́на светлостью́, чи́стому предсто́иши, мученице, Жени́ху твоему́, душетле́нных прегреше́ний прося́щи изба́вится хва́лящим тя.

Свята́я мученице Тати́ано, мо́ли Бо́га о нас.

Бо́гатство тле́нное, мученице, совершенно́ пренебрегла́ еси́, на небесе́х нетле́нное и пребыва́ющее и́щущи усер́дно, и раду́ющихся прошла́ еси́ мученическое страда́ние.

Слава: К ра́нам, к боле́знем и би́ением многови́дным безбоя́зненно, мученице, отлучи́лася еси́, споспешеству́ющую бо имела́ еси́ благода́ть Спа́сову, и укрепля́ющую тя.

И ныне: Исто́чник безстра́стия ро́ждшая, уязвленнаго страстьми́, Отрокови́це, исцели́, и огня́ ве́чнаго исхити́ мя, еди́на Богоблагода́тная.

Моли́ Бо́га о нас, свята́я мученице Тати́ано, я́ко мы усер́дно к тебе́ прибега́ем, ско́рой помо́щнице и моли́твеннице о душа́х на́ших. (*Поклон.*)

Песнь 3

Ирмос: На ка́мени мя ве́ры утверди́в, расшири́л еси́ уста́ моя́ на враги́ моя́, возвесели́ бо ся дух мой, внегда́ пе́ти: несть свят, я́коже Бог наш, и несть пра́веден па́че Тебе, Го́споди.

¹ Этот припев повторяется перед первыми двумя тропарями в каждой песне канона. Перед первым тропарем первой и девятой песен припев читается с поклоном, в остальных случаях – без поклона.

Святая мученице Татиано, моли Бога о нас.

Не поколебá столпá твоегó сёрдца стéкшее мук треволнёние, утверд́ися бо на ка́мени любв́е Христовы, всехв́альная, к Немуже зывáла еси́: яко несть свят, пáче Тебé, Гóсподи.

Святая мученице Татиано, моли Бога о нас.

Человéческую нéмощь понесый, впер́и с́илою нéмощь твою́ на некрéпкого зм́я. Тем, мученице, на зéмлю низвэ́ргла еси́, вэ́рно зову́щи: яко несть свят, пáче Тебé, Гóсподи.

Слава: Потóки изсушила еси́ беззакóния стру́ями кровéй твоих, блажéнная, слáдости же потóка ны́не наслажда́ешься и во свéте невечéрнем обита́еши, зову́щи: яко несть свят пáче Тебé, Гóсподи.

И ны́не: Зачáтие и рождество́ Твое́ пáче слóва, вéки бо Созда́вшего слóвом родила́ еси́, избáвльшаго безсловéсия м́ира концы́, Отрокови́це неискусомуж́ная, Егóже моли́ всегда́, е́же спасти́ нас.

Моли́ Бога о нас, святая мученице Татиано, яко мы усéрдно к тебе́ прибега́ем, ско́рой помóщнице и моли́твеннице о душа́х на́ших. (Поклон.).

Господи помилуй. (Трижды.)

Седален, глас 4

Сугуб совершивши, мученице, подвиг на земли, сугуб и венец сподобилася еси́ прияти от руки́ Жени́ха твоегó, постилася бо еси́, страсти́ плотсќия обузда́ючи, пострада́вши же законно́, врага́ низложи́ла еси́. Тёмже мольба́ми твоими́ спаси́ ны от напа́стей.

Слава, и ны́не, *Богородичен*: Ско́ро приими́, Влады́чице, моли́твы на́ша, и сия́ принеси́ Сы́ну Твоему́ и Бо́гу, Госпоже́ всепречистая, разруши́ обстоя́ния, к Тебé притека́ющих, разсы́пли приседа́ния и дёрзости, Де́во, ны́не вооружа́ющихся на рабы́ Твоя́.

Песнь 4

Ирмос: Пою́ Тя, слухом бо, Гóсподи, услы́шах и ужасóхся, до мене́ бо идеси́, мене́ ища́, заблуждшаго. Тем мно́гое Твое́ снизхожде́ние, е́же на мя, прославля́ю, Многоми́лостиве.

Святая мученице Татиано, моли Бога о нас.

Красно́ душе́вное устроéние, благоле́пием благочéстия Татиána нося́щи, ещé же мучения́ свéтом пресла́вно сия́ючи, к ч́истому Жени́ху вселя́ется.

Святая мученице Татиано, моли Бога о нас.

Желéзом твоё́ лице́ стру́жущия пребеззакóнныя невидéнием небéснии Ангели́ мучаху, послáнный к твое́й от Бо́га, мученице, помóщи, и́же твоему́ терпéнию удив́ишася.

Слава: Законно́ Христá проповéдаючи, победи́ла еси́ пребеззакóннуюю, жёртва́ же непорóчна, благоприятна́, совершеннейшая́ Тому́ принесла́ся еси́, зыва́ющи: Тебé любя́щи, Спа́се, закала́юся.

И ны́не: Ко приста́нищу́ т́ихому мя напра́ви, Богоневéсто́ всевятая́: бу́ря бо мя волну́ет и смущéние грехá лю́те, вэ́тры коле́блемь лука́вых духóв оскорбля́ющих мя.

Моли́ Бóга о нас, святáя мýченице Татиáно, я́ко мы усéрдно к тебе́ прибега́ем, ско́рой помо́щнице и моли́твеннице о душа́х на́ших. (*Поклон.*).

Песнь 5

Ирмос: Просвещéние во тьме лежа́щих, спасéние отча́янных, Христé Спа́се мой, к Тебе́ úтренюю, Царю́ ми́ра, просвети́ мя сия́нием Твои́м: ино́го бо, развe Тебе́, Бóга не зна́ю.

Святáя мýченице Татиáно, моли́ Бóга о нас.

Твою́ честнóую и блаже́нную страсть подража́ючи, безстра́стием Тебе́ сочта́вшаяся, стра́ждет преусéрдно, на úды ссека́емая, Жизнода́вче Христé, зову́щи: ино́го, развe Тебе́, Бóга не зна́ю.

Святáя мýченице Татиáно, моли́ Бóга о нас.

Стра́х Бóжий во утробе́ мы́слию приéмши, дух спаси́тельного исповéдания и мучéния родила́ еси́ пресла́вно, доблемúдрая, твёрды́м страда́нием и сопротивная́ начала́ посрами́ла еси́.

Слава: Свётлыми сия́еши заря́ми, уясня́ема Дúха Свята́го светолити́ем, и озаря́еши вёрных серде́ц, грехо́вный мрак разоря́ючи, мýченице, страсотéрпице Христóва досточúдная.

И ныне: Свётлый Сóлнца óблаче, осия́й ми зарю́, реша́щу мрак мои́х прегрешéний, даждь ми рúку, впа́дшему в тину́ грехо́вную, воздвигни́ мя лежа́щаго, еди́на па́дшаго Ада́ма исправлéние.

Моли́ Бóга о нас, святáя мýченице Татиáно, я́ко мы усéрдно к тебе́ прибега́ем, ско́рой помо́щнице и моли́твеннице о душа́х на́ших. (*Поклон.*).

Песнь 6

Ирмос: В бéдне грехо́вней валя́йся, неизслéдную милосéрдия Твоегó призыва́ю бéдну: от тли, Бóже, мя возведи́.

Святáя мýченице Татиáно, моли́ Бóга о нас.

На дрéве я́ко познá простёрта Тя мýченица честна́я, терпит повéшение и строгáния телéсная, за любóвь Твою́, Всемóщне.

Святáя мýченице Татиáно, моли́ Бóга о нас.

Свирéпейшии зве́рие устыдéшася посреди́ тризни́ца мýжески стра́ждущия тя, я́коже Фéклы пёрвее перво́мученицы², ея́же ре́вность стяжа́ла еси́, приснопа́мятная.

Слава: Предста́вше небéснии Ангели посреди́ темни́цы, ты свéтом осия́ша, от болéзней изыма́юще, и я́ко Бóжию а́гницу прославля́юще.

И ныне: От всех родóв избра́ Тя доброту́ Иáковлю, Ю́же возлюби́ Творéц, Всенепорóчная, и из Тебе́ возсия́в яви́ся.

Моли́ Бóга о нас, святáя мýченице Татиáно, я́ко мы усéрдно к тебе́ прибега́ем, ско́рой помо́щнице и моли́твеннице о душа́х на́ших. (*Поклон.*).

Господи́ помилуй. (*Трижды.*) Слава, и ныне.

² Св. перво́мученица равноапосто́льная Фекла (I век) издревле́ особо́ почитается в Церкви́ как «жен слава, наставница́ страдальцев, отверзшая́ всем мучения́ пути».

Кондак, глас 4

Свѣтло во страданіи твоём возсіяла еси, страсотѣрице, от кровей твоих преиспещрена, и яко красная голубица к небесѣм возлетѣла еси, Татиано. Тѣмже моли присно за чтущія тя.

Песнь 7

Ирмос: Богопротѣвное велѣние беззаконнующаго мучителя, высокъ пламень вознесло есть. Христосъ же простре богочестивым отроком росу духовную, Сый благословен и препрославлен.

Святая мученице Татиано, моли Бога о нас.

Благомощно непобѣдимая сечема сосцевъ отъятие претерпѣла еси терпеливейше, огнемъ же небеснымъ, мученице, попалила еси чтити не хотящія Бога, Егоче вся тварь поетъ славыщи.

Святая мученице Татиано, моли Бога о нас.

В сердцахъ носящи огонь божественный любви, непорочная, пламень попра, огня подоборабнаго³ не ужасеся, отроковъ образуящи древнихъ и мужество и крепость.

Слава: Зверей сверепство тебе повинися, львовъ зияния невредно преминула еси, Богу ты прославльшу, Того прославившую, Егоче страдания твоею исполняющи плотию, всехвальная.

И ныне: Жизнь ипостасную нам рождши, смертию смерть яве потребльшую, страсти умертви плоти нашея, верою чтущихъ Тя, Чистая, яко Богородицу и Всеславную.

Моли Бога о нас, святая мученице Татиано, яко мы усердно к тебе прибегаем, скорой помощнице и молитвеннице о душахъ нашихъ. (*Поклон.*)

Песнь 8

Ирмос: В пещь огненную ко отрокомъ еврейскимъ снишедшаго, и пламень в росу преложшаго Бога, пойте, дела, яко Господа, и превозносите во вся веки.

Святая мученице Татиано, моли Бога о нас.

Удобрившися добродетельми, украсилася еси добротами мучения, и Жениху обручилася еси, паче всехъ человекъ краснейшему, добротой сияющему безсмертия, Татиано Богомудрая.

Святая мученице Татиано, моли Бога о нас.

С безплотными слугами в темнице Творца славословила еси, сияючи славою божественнаго блистания, и всемъ неприступна пребываючи, держимымъ тьмою прелести.

Слава: Сокрушение твоихъ удесъ истинныхъ враговъ коварства, кровей течение нечестия лютыя потоки, честная, иссуши, пучина чудесъ намъ явльшися.

И ныне: Спаси, ущедри ны, щедрого Бога намъ спаса рождающая паче слова, огнепальныхъ помышленийъ и страстейъ изымаючи зноя, Твоими молитвами, Чистая Препрославленная.

³ Подборабный – подлежащий тому же рабству; вещественный.

Моли́ Бо́га о нас, свята́я му́ченице Тати́ано, я́ко мы усер́дно к тебе́ прибега́ем, ско́рой помо́щнице и моли́твеннице о душа́х на́ших. (Поклон.).

Песнь 9

Ирмос: От Бо́га Бо́га Сло́ва, неизрече́нною му́дростию прише́дшаго обнов́ити Ада́ма, я́дию в тле́ние па́дшаго лю́те, от Святы́я Де́вы неизрече́нно воплоти́вшагося нас ра́ди, ве́рнии, единому́дренно пе́снями велича́ем.

Свята́я му́ченице Тати́ано, моли́ Бо́га о нас. (Поклон)

По мно́гих му́ках ме́чным тя судом лю́тый осужда́ет суди́я, ея́же восхожде́нию восплеска́ша небесни́и чи́ни. Христо́с же всеси́льною десни́цею венча́ тя, му́ченице, зако́нно пострада́вшую.

Свята́я му́ченице Тати́ано, моли́ Бо́га о нас.

Сочта́ся с му́ченическими светле́йшими ста́ды, яснейши прибли́жившиися Бо́гу, ви́диши я́же ви́дят Ангели, я́ко де́ва в черто́зе водворя́ешиися, Жени́ха твоего́, честна́я, моля́щи, спасти́ся любóвию тя почита́ющим.

Слава: Запеча́танный исто́чник тя, заклю́чен же оград, возложе́ние че́стно и свяще́нно, невесту́ Христо́ву нетле́нную, заколе́ние и же́ртву, а́гницу и до́брую голу́бицу Влады́ки все́ческих, Тати́ано, пропове́дуем.

И ныне: Гла́сы прекля́яема те́пле Тя моля́щих, еди́на ве́рных прибе́жище, спаси́, ущедри, Влады́чице, соблюди́ от вре́да, и вся́каго язы́ков нашество́вия, ве́рою и любóвию при́сно Тя велича́ющия.

Моли́ Бо́га о нас, свята́я му́ченице Тати́ано, я́ко мы усер́дно к тебе́ прибега́ем, ско́рой помо́щнице и моли́твеннице о душа́х на́ших. (Поклон.).